

幼科證治準繩集之二

金壇王肯堂字泰甫輯

肝

錢肝主風 實則目直大叫呵欠項急頸悶 虛則

咬牙多欠氣熱則外生氣溫則內生 肝病哭叫目

直視呵欠頓悶項急 外生感風呵欠頓悶口中氣

熱當發散大青膏主之若能食飲水不止當大黃丸

微下之餘不可下 肝熱手尋衣領及亂捻物瀉青

丸主之壯熱飲水喘悶白散主之 肝有風目連

劄不搖得心熱則搖治肝瀉青丸治心導赤散 肝

有熱目直視不搖得心熱則搖治肝瀉青丸治心導

赤散 肝有風甚身反折彊直不搖心不受熱也當

補腎治肝補腎地黃丸治肝瀉青丸 凡病或新或

久皆引肝風風動而上於頭目目屬肝風入於目上

下左右如風吹不定兒不能任故目連劄也若熱入

於目牽其筋脉兩眦俱緊不能轉視故目直也若得

心熱則搖以其子母俱有實熱風火相搏故也

主謀勇熱則尋衣捻物目連劄直視不能轉視或極則身反折皆風熱也目者肝之竅屬木木性急

是故如肝病秋見一作肝強勝肺肺怯不能勝肝當

補脾肺治肝益脾者毋令子實故也補脾益黃散治

肝瀉青丸主之肝病春見一作肺勝肝當補腎肝

治肺臟肝怯者受病也補肝腎地黃丸治肺瀉白散

主之五臟相勝輕重肝病見秋木旺肝勝肺也宜

補肺瀉肝輕者肝病退重者唇白而死婁五臟相

勝病隨時令乃錢氏擴充內經藏氣法時論之旨實

發前人所未發者也假如肝病見於春及早晨乃肝

自病於本位也今反見於秋及日補肺之位知肺虛

極肝往勝之故當補脾肺瀉肝也餘倣此潔肝主

風自病則風搖拘急急食甘以緩之佐以酸苦以辛

散之 實則風搖力大瀉青丸主之 虛則風搖力

小地黃丸主之 心乘所實邪壯熱而搖利驚丸涼

驚丸主之 肺乘肝賊邪氣盛則前伸呵欠微搖法

當瀉肺先補本臟補肝地黃丸主之瀉肺瀉白散主

之 脾乘肝微邪多睡體重而搖先當定搖瀉青丸

主之搖止再見後證則別立法治之 腎乘肝虛邪

增寒呵欠而搖羗活膏主之 劉凡肝得病必先察

其肺腎兩臟根其病之所起然後審其肝家本臟之

虛實方可治療然腎者肝之母金者木之賊今肝之

得病若非腎水之不能相生必是肺金之鬼來相攻

擊不得不詳審而求之故其來在肺先治其肺攻其
鬼也其來在腎先補其腎滋其根也然後審其肝家
本臟之虛實而寒溫之
薛若肝經實熱而外生風
者宜用大青膏散之若既服而前證仍作或益甚者
此邪氣已去而脾氣虧損也宜用異功散加芎歸補
之若肝經虛熱或因尅伐而内生風者宜用異功散
地黃丸補之若風邪入臟能食飲冷大便秘結者此
邪氣內實也宜用大黃丸下之若既下而食少飲湯
或腹作脹者此脾氣內虛也宜用白朮散補之氣血
素弱或因病後或服攻伐之劑而手尋衣領咬牙呵

欠曰淡青者乃肝經虛甚也急用地黃丸以補腎肝
哽氣短氣長出氣乃肺經虛甚也急用異功散以補
脾肺若申酉時叫哭直視呵欠頓悶項急驚悸手足
搖動發熱飲水者此風火相搏而勝肺金也用柴胡
梔子散以治肝火生肝血用異功散補脾土生肺金
若唇白者爲脾絕不治

海肝苦急急食甘以緩之甘草 肝欲散急食辛以
散之川芎 以辛補之細辛 以酸補之芍藥 肝
虛以生薑陳皮之類補之虛則補其母腎者肝之母
也以熟地黃栢補腎如無他證錢氏地黃丸補之

補肝丸四物湯內加防風羌活等分爲細末煉蜜爲丸是也
鎮肝丸卽瀉青丸去梔子大黃是也治肝
虛錢氏補腎地黃丸肝實以白芍藥瀉之如無他
證錢氏瀉青丸主之實則瀉其子心乃肝之子以甘
草瀉心

瀉青丸

錢氏

又名瀉肝丸

當歸

去蘆焙

龍膽

焙

川芎

山梔子

仁

川大黃

濕紙裹煨

羌活

防風

上等蘆各等分

右爲末煉蜜和丸芡實大每服半丸至一丸煎竹

葉湯同沙糖溫水化下

薛前方足厥陰經解散肌表疎通內熱之藥也若
大便秘結煩渴飲冷飲食如常者屬形病俱實宜
用此以瀉之若大便調和煩渴飲冷目淡青色屬
病氣實而形氣虛宜用抑肝散平之若大便不實
作渴飲湯飲食少思肢體倦怠者屬形病俱虛宜
用地黃丸補之

抑肝散 治肝經虛熱發搐或發熱咬牙或驚悸寒
熱或木乘土而嘔吐痰涎腹脹少食睡卧不安

軟柴胡

甘草各作

川芎開分

當歸

白朮炒

茯苓

釣藤鈎

各壹錢

右水煎子母同服

如蜜丸名抑青丸

大青膏

方見驚搖

大黃丸

方見腹脹

異功散

方見吐瀉

白朮散

方見渴

柴胡梔子散

方見諸熱

利驚丸

涼驚丸

羌活膏

三方俱見驚搖

洗心散

肝

幼禾

7

新學
知學
家學

驚馬

婁驚搐一也而有晨夕之分表裏之異身熱力大者爲急驚身冷力小者爲慢驚仆地作聲醒時吐沫者爲癇頭目仰視者爲天弔角弓反張者爲瘓而治各不同也

早晨

藏血旺時補瀉法

錢因潮熱發搐在寅卯辰時者此

肝用事之時也身體壯熱目上視手足動搖口内生熱涎項頸強急此肝旺也當補腎治肝補腎地黃丸

方見
腎部
治肝瀉青丸
肝方見

薛寅卯辰時搐而發熱作

渴飲冷便結屬肝膽經虛熱用柴芍參苓散作渴引
飲自汗盜汗屬肝膽經血虛用地黃丸口吻流涎屬
肝木尅脾土用六君子湯 一小兒寅卯時發熱痰
搐服抱龍丸而愈後復患因自用前藥更加咳嗽氣
喘不時發搐面赤或青黃或浮腫或流涎余謂咳嗽
氣喘乃脾肺氣虛不時發搐乃木乘土位面青而黃
赤乃肝助心脾浮腫流涎乃脾氣虛弱用益智丸以
補心神補中益氣湯以養脾肺頓愈

錢因潮熱發搐在巳午未時者此心用事之時也心
陽目上視白睛赤色牙關緊急口內涎生手足動搖

此心旺也當補肝治心導赤散涼驚丸補肝地
黃丸 廣親宅七太尉方七歲潮熱數日欲愈錢謂

父二大王曰七使潮熱將安八使預防驚搐王怒曰
但使七使愈勿言八使病錢曰八使過來日午間卽
無苦也次日午前果作搐急召錢治之三日而愈蓋
預見其目直視而顙赤必肝心俱熱更坐石杌子乃
欲就冷此熱甚也又肌膚素肥盛而本實其脉急促
故發搐尅言午時者自寅至午皆心肝用事之時治
之乃瀉心肝補腎自安矣 薛已午未時發搐若兼
作渴飲水屬風火相搏以地黃丸補肝導赤散涼驚

丸治心若作渴飲湯體倦不乳土虛而木旺也用地
黃丸以補腎六君子湯以補脾 一小兒巳午時搐
熱驚悸發時形氣倦怠而黃懶食流涎飲湯此心火
虛而不能生脾土也不信自服涼心之藥更加吐瀉
睡而露睛幾成慢脾風用六君薑桂佐以地黃丸而
愈 一小兒七歲驚搐發熱不已巳午未時益甚形
氣殊倦熱定飲湯此心脾氣虛朝用補中益氣湯加
益智仁夕用六君當歸鈞藤鈞尋愈後飲食過多復
作吐瀉或治以保和丸反加寒熱發搐此脾土復傷
而肝木所侮也用六君柴胡寒熱止而飲食進但午

未時仍泄用補中益氣湯加茯苓半夏釣藤釣而全

錢因潮熱發搖在申酉戌時者此肺用事之時也不

甚搖而喘目微斜視身熱如火睡露睛手足冷大便

淡黃水是肝旺當補脾益黃散方見脾部治肝瀉青丸治

心導赤散潔古云脾病肝強法當補脾恐水賊害宜先瀉心肝以挫其強而後補脾為當

徐氏子三歲病潮熱每日酉則發搖身微熱而目微

斜露睛四肢冷而喘大便微黃請錢與李同治錢問

李曰病何搖也李曰有風何身熱微溫曰四肢所作

何目斜睛露曰搖則目斜何肢冷曰冷厥心內熱曰

何喘曰搖之甚也曰何以治之曰涼驚丸鼻中灌之

必搐止錢又問曰旣謂風病溫壯搐引目斜露睛內
熱支冷及搐甚而喘併以何藥治之李曰皆此藥也
錢曰不然搐者心肝實也身微熱者曰西肺用事之
時也肺主身溫今且熱者肺虛也目微邪露睛者肝
肺相乘勝也四肢冷者脾虛也肺若虛甚則脾毋亦
弱木氣乘脾四肢卽冷治之當先補脾肺用益黃散
阿膠散得脾虛證退然後治其心肝汗瀉青丸導赤
散涼驚丸治之九日愈薛中酉戌時微搐而喘目
微斜身似熱睡而露睛大便淡黃屬脾肺虛熱用異
散手足逆冷或喘瀉不食屬脾肺虛寒用六君抱

薑木香久病而元氣虛者用八君子八味丸二藥主

之

發間

錢因潮熱發搖在亥子丑時者此腎用事之時也不

甚搖而卧不穩身體溫壯目睛緊斜視喉中有痰大

便銀褐色乳食不消多睡不省當補脾治心補脾益

黃散治心導赤散涼驚丸

潔古云皆因大病後脾胃虛損多有此疾

薛

亥子丑時微搖身熱目睛緊斜吐瀉不乳厥冷多睡

屬寒水侮土用益黃散未應用六君薑桂

未

表裏錢傷風發搖因傷風後得之口中氣出熱呵欠

顫悶手足動搖當發散大青膏主之小兒生來怯弱